

Ilis giuvenils surmuntan ilis cunfins linguistics cun poetry slam

■ (cp) **La fin d'emna passada dals 30 d'avrigl e dal 1. da matg 2016 èn sa reunids 24 giuvenils a Cuira per «l'inscunter da linguas» annual en il rom da la concorrenza naziunala Linguissimo – organisada dal Forum Helveticum e da ses partenaris.** Ilis giuvenils han col-lavurà sur ilis cunfins linguistics ed han scrit in poetry slam. Ilis auturs dals trais megliers texts ch'èn tuts vegnids scrits en tandems plurilings sgolan comunabla-main a Vienna. Ilis victurs represchentan cun ilis chantuns Grischun, Vallais, Fri-burg e Turitg tut las regiuns linguistics da la Svizra.

La concorrenza da linguas naziunala Linguissimo vegn organisada dapi il 2008 dal Forum Helveticum, l'organisa-ziun per la chapientscha linguistica e cul-turala en Svizra, e da ses partenaris. En il rom da questa occurrenza, deditgada a la plurilinguitad svizra, han giuvenils da tut il pajais pudì emprender d'enconuscher slammaders professiunals da las quatter regiuns linguistics: *Patti Basler* (AG), *Pablo l'Indomptable* (VD), *Marko Mila-nidovic* (TI) e *Snook* (GR). Ilis giuvenils tranter 16 e 21 onns èn vegnids selecziunads ordavant a maun da dus texts or da

passa 100 participants da la concorrenza Linguissimo 2016. In text han els scrit en lur lingua materna davart il tema «E ti? Co discurras ti svizzer?» ed il segund è stà in' autobiografia en in' autra lingua naziunala.

Il final ha gè lieu en las localitads da la Lia Rumantscha a Cuira, nua ch' ilis giuvenils han pudì giudair grazia ad in concert privat da *Pascal Gamboni* in toc cultura rumantscha. Ilis giuvenils slammaders da tut las regiuns linguistics han scrit en tandems plurilings in text per il final. La giuria è stada intgantada da la qualitat da tut las produczions. Ilis trais megliers tandems han gudagnà in viadi comunabel a Vienna. Cun ilis victurs che derivan dals chantuns Grischun, Vallais, Tessin, Fri-burg e Turitg èn represchentadas tut las linguas naziunals e tut las regiuns cul-turalas da la Svizra.

Infurmaziuns davart la proxima ediziun da la concorrenza Linguissimo chattais Vus a partir da l'atun 2016 sin la pagina-web www.linguissimo.ch. Tut ilis giuvenils svizzers tranter 16 e 21 onns èn envidads cordialmain da sa participar. Infurmaziuns a las medias: *Christine Matthey*, directura Forum Helveticum, info@linguissimo.ch ubain t 062 888 01 25.